

海日樓文集卷七

葉貞婦傳

瑞安孫翀鳴詔甫



貞婦陳氏瑞安郭公洋人邑庠生觀模女葉一坤之聘妻也一坤年十七以暴疾卒貞婦聞訃至躡踊氣絕久而復蘇堅欲往視舍殮時其父以事詣郡未歸家人止之不可遂易凶服偕其世母戊至葉氏自庭及階燭光如晝觀者數百人咸詫歎掩涕一坤方殮貞婦觸棺大慟襟袂皆血既殯入拜舅姑如禮時夫弟紹周十二歲一元七歲謀立嗣且遙遙無期舅姑改其志貞婦跪泣曰婦之為此不忍我夫之不祀也小叔長有子易耳即有子願先嗣我夫舅姑頷之慰諭使暫歸母家而貞婦日夜哭泣勺水不入口面色皆黑父知其志不可奪聽之遂依舅姑以居越五載紹周娶妻連

二子長曰球次曰稠球之生也舅姑為告廟立為一坤嗣是歲八月姑疾病貞婦泣禱於神願減己算延姑壽且割臂肉為羹以進姑疾良已逾二歲舅病亦復割股願天禱之咸豐甲寅十一月貞婦病萬呼球至榻前拊之曰吾為若父而來汝家十八年於茲矣今且莫入地得持以報若父者恃有汝耳汝能讀書敦行孝敬寬厚無負我志我瞑目矣嘔血數升遂卒年三十六貞婦平生寡言笑守志以來未嘗見訛足不下堂階雖至親罕識其面處宛若閨雍睦有禮躬操作不辭瘁苦舅姑憫其勞為買一婢堅却之卒之明年得旌於朝如何

孫辦鳴曰笱婦太僕著貞女論謂守貞非古禮所許言之甚辦夫未婚守貞禮經無文者何也益先王制禮能為天下後世之為女子者深思遠慮於其後而又知父母慈愛之懷人人所同必有大

不忍於其女者故不設是禮使天下後世之為父母者得以曲遂其慈愛而不至遂陷其女於非禮也然苟有賢智之姿非恒情所同一旦卓然自立必欲過於禮而行之以不欺其心雖於禮無所據而非先王之所深願也哉葉貞婦奔夫之喪不俟父命及侍舅姑疾兩封割肉以進揆之以禮皆似乎過中然其敬嚴不行之志貞孝兩全雖與日月爭光可也郭公洋在萬山中有山林竹木之饒其民浩穰好文顧聞淑女之事雖富人不免余嘗求其故皆以為其俗嫁女資送甚盛物力恐不給而婦人不幸早寡又往往再醮不知恥故常以生女為詬病夫婚嫁而論財夷虜之道也返之於儉亦何難至於不耻再醮今幸聞貞婦之風庶知所媿勵哉

葉賢林先生家傳

先生姓葉氏諱嘉翰字秀林號賢林先世居溫之平陽葉洋明中

葉徙城西半塘遂為西塘人先生志在聖賢博覽深思好撰述所著經學之書七曰象義別聞曰詩義解頤曰臆定周頌曰周官訓訓曰禮記類編曰讀左遺言曰樂律紀原史學之書六曰史論曰讀史後語曰歷代兵鈔曰輿圖詳攷曰改定漢官儀曰五代八國表其為鄉邑徵文攷獻之書五曰温州沿革表曰方國珍亂郡攷曰平陽歷朝寇警錄曰縣志補正曰葉文定年譜曰仰止集其自為詩文雜著曰尚志堂集曰賈林日記曰卧游百詠曰還珠亭日課曰舞鶴閣吟先生之學以鄉先儒史文璣氏為宗法思力復古禮以維風俗居母喪水漿不入口三日不釋哀三年幼從應拙齋張中亭兩先生讀長師事鄭虛月船先生皆一時名宿中亭子蘭畦月船子芑塘咸能世其學而先生與之交尤厚以文行相劘切當是時永嘉童巖臣善黃老樂清趙乙然善風角同邑劉駸臣熟

於故事鮑石芝工詩古文先生皆與游處而郡城李碧山賈責萊自給壯歲始學為詩歌兼通八法性捐介有士君子之行先生引為忘年交嘗築室於文溪之上顏其堂曰尚志其與鮑石芝書曰學以立志為先志富貴不足言矣即志功名亦當安命惟志在道德則於吾身有刻不可解之責又曰吾儒待用之具舍經書別無可致力處有志者惟求有用之實用不用聽之可也至泛務貪多則口耳之學管人譏之矣其弊端亦由於無志蓋先生之為學大旨具是矣晚歲益篤學每晨興飯罷則靜坐一室硃砵丹鉛宵漏及半猶燈火熒然也嘉慶辛未以療膳生充恩貢咸豐己未七月寢疾旬餘顧命其子曰遺稿謹守之後世必有知我者語不及它遂卒年六十八

孫鏞鳴曰元儒史文璣氏處道統將湮異說淆亂之日獨能發明

朱氏緒言為一家學而又苟涉經史百家天文曆數地理田制靡不研究今所傳四書管窺內外編是也生先生生於其鄉慨慕前徽卓然自奮於聖賢之學可不謂有志之士哉余發其遺書讀之富哉言乎學求有用文能見道良無媿已而觀其垂絕之言悵後世之知抑可悲也雖然士非慨然有志於古人發憤忘食不知老之將至者而求有聞於後亦安可得哉

光緒乙亥

曾復齋先生傳

復齋先生姓曾氏諱鏞宇在東一字鯨堂世為秦順山陽人山陽明景泰前瑞安之義翔鄉也弘治間有諱顯者以歲貢知永定縣單騎入城巢諭降之以循吏著稱是為先生之九世祖其後徙城中士林坊里人以遷自山陽呼為山陽曾遠名其所居曰下山陽先生少穎悟勤學淹貫六經邃精性理由拔貢充四庫館謄錄選

授孝豐縣教諭為諸生講古人之學士林宗仰時秦小峴觀察汪稼門方伯官浙中重其學行願下文汪公由浙藩擢閩撫問以政事操履求益甚誠先生為盡言得失而規之於道汪公聽納謂此後樹立皆為先生行道也旋丁憂服闋歷署金華湯溪雲和等學清介絕俗嘉慶甲子浙西大水饑巡撫阮文達公發三十萬金採運川楚米而以先生主其事民以大活遂以廉幹薦擢知縣運授湖南東安東安俗愚樸少訟先生日坐堂皇與講禮讓孝友事益稀一月之詞不過二三紙後乃竟無訟者鄉農往往持菜把竹萌至曰是家植初苗願以獻官先生笑受之與諄諄家人語民大和編德政歌榜之通衢邑舊無義學考棚育嬰堂則皆捐奉為之倡民爭響應者前後八載以養以教百廢具舉公退之暇招秀士講學遠近來受業者甚眾武陵楊大章會稽宗稷辰其最著者也湘

撫杏莊左公調入閩與語治術學術甚洽以仕學俱優民安於治薦上考盧文肅公引謁宣廟退而稱為古循吏謂大似文正之薦杏莊於牧令惜得之晚恐不及大用也時先生幾七十矣旋卒於官著有經說十七卷詩文集八卷其為學大旨常言五經四子書斯道之規矩權衡猶生人之於布帛菽粟也其道不可湏臾離其說不容毫釐差顧欲求聖賢之道莫若還治聖賢之書欲正經書之說莫若還欲經書之文其為說也舉自漢以來訓詁家言而一空之第沈潛涵泳於本文之義而經旨自出去其障則其光炯然仍若日月之經天開其塞則其流汨然仍若江河之行地故其論尚書古今文之異以為以帝王之寶錄言則今文真古書也以帝王之法言論則古文實古今不可少之書當尊信不可排擊其通達簡易而不為繳繞堅僻之論如此同治八年入祀鄉賢祠而

東安先已入名宦祠至今民猶緬思焉

黃哲中傳

嗚呼禮教既衰天性之恩日趨於薄兄弟之間尤難言矣其以薄物細故而成水火者益往往有也而黃生維士乃為余言其叔哲中殉兄事則為之驚歎累日事雖過禮然以風勵未俗豈不重有賴哉哲中字崧生世居瑞安四十九都營前兄鶴翔平陽武學生長哲中十四歲哲中性鯁直寡言笑少時遭父母喪哀毀過人習武不售去學賣勤樸信然諾無市井夸詐之習咸豐辛酉會匪倡亂湖石孫家珍召聚義徒鶴翔從馬每戰哲中必以身衛兄居前賊平鶴翔得獎叙以把總用哲中勸勿受曰黃巢之役溺者五百人奈何捐人之命而貪為己力乎鶴翔之役也維士以事羈閩南哲中日夜號慟卧即倚柩側天甫明則焚香進茗寸步不離逾兩

月維壬奔喪婦哲申泣語曰吾不得蚤從汝父於地下者以汝未
婦也今汝婦吾志決矣將為汝累維士泣諫止之一日竟自仰藥
死距鶴之卒九十日時光緒乙亥正月十八日也年四十子一女
二維士文學生

書李桂年力疾葬親事

李桂年字樂漁歲貢生予故同研席友也今年六月過余年七十
矣而鬢鬢尚黑聞其皆有消渴疾食鷄卵數十枚而愈因坡其詳
樂漁傲然曰我病消幾六七年屢瀕於殆往葬我親時尤劇自謂
必歿而竟不死我父母之佑也予曰何哉樂漁曰管我病日增而
親未入土日夜治葬事宜有日矣而病益困家人謀改期余曰卜
已吉我當不死即死暫祕三五日何害大事畢而後發喪耳柩行
余強起杖從家人又力沮余曰送我親盡此一日族人外姻畢至

親子可以疾不行乎斃於道路夫奚悔及墓下氣不屬偃卧草間
山下茅舍守墓戶也強我至其家暫憇余曰幸扶掖及此旣不死
矣臨窆而違之窆毋來遂露終夜禮成及室而竟不死疾且漸減
非我父母之默佑而能有此哉予作而言曰求仁得仁非君之謂
乎君亦盡心之所安耳心安故生且其視死猶生也不然先死矣
雖生猶死也而何必不死君旣洞然於生死之理確乎其不移也
怡然其有得也病之根且去矣何疾之不已樂漁去予愛其言之
有裨於風教也遂備記所問會語以屬俗云

海日樓文集卷八

黃巖楊公墓誌銘

瑞安孫銜鳴韶甫

同治八年三月余壻黃巖楊晨來就婚及秋將歸出其先大父行狀請曰此我父所述也先大父母葬有日而銘幽之文未具敢乞銘余樂聞人祖父之賢況重之以姻娅敢不銘按狀公諱時鰲字道占號阜東其先自石塘遷黃岩寓橋祖嘉采父天河隱約弗曜公事親孝母疾不解帶者月餘喪葬不以累二弟少讀書通大義以家貧親老毒而業賈從其舅氏徙居路橋懋遜化居必誠必信應太宜人序簪珥以佐之市有高質積貨者咸樂就焉以故無滯物而有奇贏公儉於自奉而延師課子致豐腴尤善知人經品鑒者終身不爽居恒喜學書飲酒嘗舉楊椒山家訓以教子弟謂為

人若此庶幾無媿完人耳撫其從子授以所業旁及親戚故舊咸有恩紀公修髯偉貌端坐正步不苟言笑見者莫不愛而敬之咸豐三年大雨海溢並海居民多死者公為權顧人缺之為粥以食飢者其它視力所能舉無弗為也公生於乾隆丙午三月二十六日卒於咸豐己未十一月二十一日年七十四諡贈奉政大夫配應氏克相其夫老而猶績生於乾隆甲辰四月十七日卒於同治戊辰十二月十四日年八十五贈宜人合葬於白石嶺下大仁山之陽子二長周南鵠次友聲歲貢生以治國練有功選用訓導加五品銜賞給封典女一適蔡仁伋孫晨舉人曾孫祥燧狀之所述如此而晨又與余言所見乾嘉間人類多貌古而氣固質淳而行方如先大父者其殆有異稟哉余以為是時國家太平已百數十年天地陰陽之氣其聚於萬物者久而上之所以為教下之所以

為俗皆以渾篤仁厚相尚而末世浮薄之習未聞所謂陶冶而成之者有其具也豈偶然哉乃為之銘曰

忠信獨為寶兮得天獨厚隱於市廛兮飲以醇酒門駟馬兮室塵壽山高水長兮昌厥後

永嘉沙君墓誌銘

君諱丙科字策三號蒼士温州永嘉人其先世自閩來遷明初有諱文謨者中進士第官山東濟南府同知十一傳至龜山公君之考也母常夫人生君兄弟二人君居次少警敏異常童嘉慶辛未歲鐵龜山公居郡城郭公山下投徒讀書修脯所入芻米常不屬君奮然起曰是不可以憂我父母遂去而習賈往來吳門甬東間歲獲贏利家漸起及龜山公捐館舍伯兄繼逝君歸殯葬之費及諸姪婚嫁事皆力任之移家九曲里居馬母春秋高多疾病君日

夜侍側不遑離復廣刊因果善書施棺槨藥餌以祈親壽後母夫人考終乃建家祠於所居之旁朝夕祀焉咸豐癸丑郡大水風雨十晝夜不息市上通舟米價騰踊民且譁君倡議捐錢穀平糶且招商米備緩急人以大和蒲州大壩者內受三溪水外捍海潮同時潰於淫潦永瑞兩邑並河田成病君出財繕治隄復完甲寅助資立施粥廠乙卯助貲建倉聖祠復輸義倉穀數百石辛酉士戍聞平陽會匪亂粵寇繼至犯郡城君首輸三千金更購運米穀以固城守嗚呼君少勤苦起家自奉儉約而能見義勇赴若此可謂蓄而能散者矣君長身玉立美鬚髯儀觀甚偉所至喜與賢士大夫游往余每詣郡輒與林大冲曾竹史吳周辰會集其家酒酣耳熱自道平生游歷大略遇凡可喜可愕之事拍掌高歌意氣飛動嘗歎歎語余江心雙塔據一郡勝觀今就頽圯宜謀興復不幸

死喪之咸水火盜賊之厄頻年相繼恐不復有餘力及此而亂後元氣益耗地方教養諸端多未舉是吾恨也然則君所蘊蓄可知矣何天奪之速而莫克意其施也悲夫君生於嘉慶丙辰七月日卒於同治丙寅九月日年七十有一初納粟得州同加二級後子邦佑補郡庠生以籌餼例報捐江蘇候補知府得贈君父母兩世從二品封典娶趙氏繼娶陳氏葉氏董氏張氏子四邦俊邦佐皆早卒邦佑邦佐孫二祥煜祥錄今各十月邦佑將奉君柩葬於建牙鄉雄溪山之原持狀來乞銘銘曰

服賈洗腆惟古有訓豪傑之生道在自奮泰山興雲黃河流潤天豐其施錫爾祚膺三溪之源岷峰秋峻刻辭幽宮世有令聞

泰順劉君墓表

予門人劉生東彝錄孝廉科教習右翼宗學期滿叙勞以知縣分

發湖北咸同以來仕途益雜緣軍功助餉得官者每行省需次不下千餘員間一攝閒曹冷局望若登天而東葬不三載即補助雲夢勤政愛民興學禮士循聲卓然其樹立將不可量頌其子紹裘以試事歸奉其大父府君行狀來乞銘幽之文迺知劉氏先世積累之厚秉彝之能于職亦得於家訓者多也按狀君諱開儀字羽昭其先系出沛國明初有官松陽知事者遂居處州天順間有諱祀者繇景寧遷泰順十傳至君曾祖諱孟魁祖諱繼祖父諱文成有子四人君其季也博習經史幼及青烏岐黃諸書性仁慈好施與而嫉惡獨嚴人有非禮面屏不稍假同邑林太冲廣文有人倫鑒稱君古貌古心推服尤至其母墓初在蟠蛇與世母同葬君以法考之穴有水謀改葬諸父不之信君請先啓母壙視之棺已腐矣大哭失聲於是結茅冢次徧走山中求吉壤夜則還守棺如是

者數月既改葬乃婦復以祖祠未立捐資為族人倡祠遂以成平生疎財重義振乏拯困出於至誠有王君者負君錢數萬使往索之使反言諸債家逼迫狀歲且盡室無粒米君聞之惻然遂躬持券往焚之且贖以求諸債家媿君所為皆散去鄰有失火者親樞在堂倉皇無計君急呼曰誰救棺者酬錢十六婚爭爭趣之棺竟得免每遇歲歉則必罄所蓄平糶糶之嘉慶己卯大飢市乏米二十餘日道有餓殍君請於官代常平倉糶以賑明年又飢邑令醜富民金乞糶於隣封而以君兄立峰主其事及糶畢而舟車轉運所耗虧金數百無以償君輒售己產償之蓋勇於赴義多類此素精外科手煉丹散有求醫即深夜大風雪必往若貧無力者則必與以藥絕不受謝亦絕不自矜處鄉里族黨間尤有恩義故皆暱就君嗚呼晚近世人心巧詐趨利如鶩孰謂巖窟谷中尚有斯

人哉太冲我老友也嘗歎歎語余泰順瑞安分也幸僻萬山中心風俗尚好瑞安前六十年今亦稍稍澆矣異日者恐無瑞安之文而有瑞安之詐吾竊思也今請君狀故脩載之使揭於墓上以徽大冲之所言且使其鄉之人效法老成復於風氣之古而秉彝今日之食報於其父祖者豈虛也哉君卒於道光某年月日年六十有四配彭氏側室金氏吳氏曾氏魏氏合葬於北鄉毛垵之原子一秉彝魏宜人出同治丁卯科補行甲子科鄉試浙江舉人同知銜今湖北雲夢縣知縣女四適葉適黃適潘適彭孫二長紹裘初秉彝之生君年已六十間四歲而君下世彭宜人與魏人共操家政廷師課子日奉先君之訓勗以立身成名大義故秉彝卒以有成而君刑家之道蓋可見矣因并著之以為世之矢志撫孤者勸非徒示劉氏子孫已也

平陽徐君墓誌銘

君諱鳳翔字卿雲紫庭其號也世為平陽金舟鄉人曾祖某祖某附貢生父某國學生國學公二子君居長生而穎異甫冠補博士弟子員旋試高等充廩膳生乾隆己酉大興朱文正公視浙學歲科試皆第一選為拔貢生明年入都朝考同年生永嘉徐步衡病沒逆旅君既經紀其喪將南返或言道達輿觀勞且費不如火之裹骨以歸便君不可遂護柩行一日將渡河有巨舟待渡未發舟中人開柩至趣解纜揭帆去君方徬徨間而舟中流被風覆矣君幸得免既歸絕意仕進日讀書行善為樂邑令趙公敬賢大夫也與君交最洽然非公事未嘗詣縣廷時秦小峴先生觀察温州愛才下士嘗閱視海防道金舟君以年家子獻所為金舟鄉策一篇觀察請之歎曰經濟才也招至署令諸公子從之游君又賦五言

詩一百韻為觀察壽尤賞稱焉君性孝友弟儀庭夙羸弱愛護備至及君卒儀庭每出反必撫柩呼兄如生時君卒於嘉慶某年月日年三十五以某月日葬某山之原娶李氏子二傑麟皆國學生孫三照歲貢生秀東秀滋曾孫三引之廩膳生潤之濟之光緒改元郡有修志之役以屬府教授載君載君引引之為助往來南北二雁間搜得古碑碣及摩崖文字甚多每至瑞安輒過余互相攷證談讌極歡因出示其尊人所為先大父行狀且曰歿久矣而銘幽之文未具請補為銘余乃追為之銘曰

有懿內行龍鶯其詞南金東箭蹶興海陸不負死友義聲載馳神所鑒矣履險而夷胡年之耇弗究厥施久蘊則懼昆來祁祁補銘
幽石寄我慕思

周文忠公神道碑銘

咸豐同治朝封疆大臣之盡瘁國事沒而朝野為之震悼者有三文忠曰侯官林公益陽胡公東阿周公其人也林胡二公余未之見周公之撫廣西也余適督其學事則嘗仰瞻風采而側聞其言論矣至今猶耿耿不能忘頃主鍾山講席而公子太守光淮在金陵待次出示公年譜家傳及所刻講學語錄益得其詳光淮請為銘公諱之文余其敢辭公諱天爵字敬修先世自山西洪洞徙山東始居東阿縣銅城驛又徙張秋之孟家海曾祖諱璠祖諱近仁父諱廷選官守備皆以公貴贈光祿大夫曾祖妣王氏祖妣李氏妣李氏皆贈一品夫人公生而家貧十一歲始受章句旋以樵牧操作輟學十七歲乃復入塾夜讀無膏油束縷香代之然書一寫目輒不忘學嘉慶丁卯舉人明年應禮部試至京師聞其鄉大疫忍心動不待試急馳歸而光祿公果病未幾卒服闋登辛未進士第以

知縣用回籍候選道光四年授安徽懷遠縣知縣時年五十矣縣南有穿耕山者與壽毫壤錯盜藪也常千百人以搗煤為名竇伺間剽掠公將入境易服往察有倪皮糠者為首一日大雨率兵役夜掘其巢擒皮糠等數十人斃其尤惡者於杖下一邑稱快盜梟却繼高橫行淮泗間開公嚴明懼罪來歸誓出死力縛獻巨盜以贖許之由是私販絕迹官引暢行旣而調任阜陽俗鄙而悍為建四賢書院鄉各設社學不時親往勸課民漸嚮善訟獄哀息有土豪王永貴者強污其鄰幼女女母嫠也憤恚死公聞之怒立拘王永貴鞠實杖斃之爰書上公恐敗女名不以實聞而言者遂劾公用刑酷時大學士蔣公攸銛督兩江覆疏稱公愛民如子疾惡如仇且其所蒞之區素險詐難治非嚴猛不足以安地方周某實能官堪重用上覽奏嘉悅擢知宿州引見召對七次上意已駮駁向用

矣旅宿歲饑請濟秦家溝以工代賑活民無算壽州民有李氏兄弟偕出行賈者齋千金至正陽閣買舟舟其弟察舟子善不善以語兄兄易之夜果遇害以石繫尸沈焉李父疑子久不歸跡之至閩訪諸館人館人子忽變色抱李父足大哭許兄弟同死狀且言盜姓名父察其音次子也悲甚急欲赴州愬館人子又哭曰無益惟宿州周青天能雪吾冤也父如言越境白公公領之越日擒盜至一訊而服置之法逾年擢廬州府知府將去宿民請繪公像於城南樓尋升廬鳳穎兵備道江西按察使未上改安徽公疏乞終養不允趣入覲宣宗問今日吏治能及世宗高宗時乎公免冠對曰萬不及上厲聲曰安所見對曰災患頻仍盜賊充斥而內外紛飾太平官但較缺肥瘠不問民疾苦逢迎奔競愈趨愈下以此觀之何敢言及公出上以語王相國曰周某直爽汝可為朕賀時

道光十五年也十七年升陝西布政使行至潼關命署漕運總督糧艘水手素桀驁所過輒聚眾敲掠積久不能治公至誅其尤不法者數人令於船左右各書姓名有滋事者殺無赦行走駛則立予賞自是無敢為非旋署湖廣總督時英夷內犯上詢諸疆吏和戰孰利惟公與林文忠公力言和不可恃公知天下將有事練本標兵千人諭各營習戚少保鴛鴦陣法其誅教匪齊王氏餘黨韓法魁等幕僚疑馬公曰此邪術也其心執迷不悟非盜賊比尚有自新之日姑息養奸正此謂耳調補河南巡撫未行投浙閩總督又改兩湖再疏乞養仍不許襄川兩河至監利合流河堤工屢築屢圯相傳地下有鼉龍為虐公薰沐禱諸神次日雷電大作江水忽赤有物浮水出狀如牛角長二尺腥臭異常公命數十人舁至廟中觀者歎為神佑水患自此絕公尤惡貪墨吏劾疏上發遣十

餘人其黨造為蜚語搖公遂上聞上命侍郎某來按驗侍郎素噪公羅織入告嚴旨遣戍並革公子光岳舉人楚民寃之去之日老幼焚香泣送填滿城郭將赴戍入辭太夫人不敢以實告惟悲甚行至河南太夫人計至公慟絕而復蘇請假回籍治喪畢再行豫撫牛鑑為之奏上察知公枉特予守制百日而廣東夷事亟詔起復襄辦軍務夷憚公名陰遣其黨賊公皆被獲如是者三夷不得逞於粵遂窺江浙連陷定海上海破鎮江犯金陵趨公還守淮徐授四品銜尋加頭品頂戴署漕運總督兼署河南總督撫局定請歸葬終喪初公官宿州父士民尤親愛太夫人亦樂其風土遂卜葬於宿州之騫山結廬墓側居馬服闋以老病乞休於是息交絕游無復當世之志矣會文宗登極強起公一日三召遂入覲召對十七次語常移晉公密發大學士穆彰阿宗室著英誤國罪言夷

事尤痛切上為之動容將以兵部尚書留公自陳力衰部務未嫻習若專理一事尚可圖報部務綜理天下且未嫺習固辭上鑿公誠許馬時粵寇已起林文忠公於家為欽差大臣以公署廣西巡撫副之林公道覽以前兩江總督李公星沅往代公與李公籌軍進止及駐軍所議論互同異再阮乞骸骨不允未幾李公病卒遂命公代而以廣州副都統烏蘭泰副之公知粵賊悍且詐我兵怯又力簿疏請發北五省勁旅二三萬帑金一百萬事以選而實速費似廉而實省格於朝議不行乃議用坐戰法擇要害地立營深溝固壘絕其接濟因之而烏蘭泰勇善戰又初至心輕賊謂公怯遽出擊大敗以公救得免而上頗咎公遂解公兵柄而以大學士賽尚阿代之公之解兵柄也仍命回巡撫任公力請休致回籍養病上憫之又趣入覲賞紫禁城騎馬上欲留備顧問公請去益力乃

許之是冬賊入楚明年春順流東下陸建瀛之師潰於九江遂命公募勇守小孤山未赴而金陵陷乃加公兵部侍郎銜為欽差大臣防江北尋署安徽巡撫以兵機吏治難兼辭四月賊自浦口渡江破鳳陽踞臨淮關北由宿北擾山東公以三千人扼固鎮遂改道由蒙亳西入豫公悉眾追之大暑暴雨烈日必躍馬為士卒先會廷議以徐州扼要為南北衝道命回師駐守而賊分股圍廬州甚急潁州盜益熾起復命公往剿兼援廬州時公患病甚乘輿疾行遇賊於王家集自七月至八月凡十有九戰連勝賊二十一股惟張洛刑紀黑壯二股未滅而公疾不可為矣公自知不起夜繕遺疏萬言籌畫用兵方略薦舉人材至懇切且言此屬跳梁小醜不久必滅而大患終在外夷耳且起傳集諸將進剿張洛刑等指麾畢忽心痛坐胡牀連呼今日務殺盡賊者三而薨時咸豐三

年九月十五日也年七十九遺疏上天子震悼詔進尚書衛賜謚文忠故事非翰林起家不謚文今出特旨不由內閣擬進異數也公儀觀雄偉修髯垂胸性沈毅不苟言笑自壯時喜陽明良知之學嘗謂良知所知之善所別之惡能極深研幾即有窮山澤逐禽獸之象而朱子所謂格物者亦在其中又曰良知之別善惡如巽一陰伏於內陽必入而散之陰性凝滯必散而後與陽合德也其論易陰陽之義有曰所謂陽椒陰慝者豈陰必為慝哉順於陽則無慝矣所謂扶陽抑陰者豈陰必盡抑哉有以化之斯不必抑之矣蓋公生平樹立其根本固如此嗚呼自成皇帝之季訖於咸豐一朝天下多故矣海上事初起天子即用公及林文忠公林公竟得罪去其後林公再起辦賊未至而卒復以公繼之而公亦不得竟其事獨胡文忠公坐鎮荆漢專用楚材終始十年控扼上游蕩

平江表一時推為奇功而公乃崎嶇淮上往來擊賊賊未盡而卒矣上之所以用公與公之所以自任皆當不止此顧未能稍竟其所欲為而所謂天下大患者今且日益深所謂大臣誤國者今且踵接而跋交也陽果足以散陰而陰之為慝果不足以累陽哉是非獨公之不幸已公初娶于氏繼娶孫氏皆封一品夫人子五光碧處州營守備光岳舉人候選主事光斗補江蘇候補知縣光鄂光淮江蘇候補知府孫十五銘河武舉人銘佩武生銘璜宗道文郁皆縣學生銘盤銘禹皆監生銘膺從九品宗禮文煥銘帶銘思銘凡銘彝長生女二監生李方之浙江候補知縣馮信昭其婿也明年十月歸葬於孟家海祖塋銘曰

天佑聖清篤生耆碩黃髮皤皤為國宣力嗟俗之頑吏不舉職嗟伊嚚兜別有肝腸視民苑枯越秦肥瘠紀綱以廢遂滋陰慝洸洸

我公古之遺直入告天子傾畫胸臆發逐貪如雉之擊出而蒞民
禁暴是亟荼蓼必薈嘉苗斯植府怨名讒乃遭彈射非上之明禍
既莫測黜不移時復此前席出總師干寄以封域動或掣之憂憤
日積老病雖侵普清疆場賴公鷹揚屏我淮北大功未成彌留孔
棘星隕於壙入馬辟易遺疏來上九重痛惻特謚曰文天鑒忠赤
齋繫公之生名震夷貊公去安婦左右帝側有印者墳遐邇仰德
播茲銘詞百僚永式

吳大恭人墓表

同治初元粵寇由台括犯温州閩師檄吳君春波以舟師來援先
賊一日至賊之由樂清謀渡江者計沮不敢進其別踞青田者間
道入永嘉西鄉踰桐嶺圍我瑞安春波復分舟師入飛雲江扼其
衝賊不得逞遂與福建記名道張公啟煊連破賊賊之於馬嶼殲

馬時余方治團鄉居賊既平將還朝取道閩中附舟以行與縱談
兵間事不啻燭照而數計也列後六年春波以署温州鎮總兵復
來而余已罷官歸乃相與過從甚樂然春波自言少孤露家徒壁
立太夫人篤志苦節教誨成立得有今日而竟不及見未嘗不
流涕也今年夏其鄉人官京師者將為太夫人請旌於朝因出陳
君所為銘幽之文示余并乞余文以揭隧上余惟太夫人孝淑賢
明為國家篤生名將中道稱未亡人茹藥舍辛不殞志節卒以子
貴受朝廷極品封贈於法宜書而春波之功又有造於吾溫也重
以相知之深其敢辭太夫人姓曾氏同安處士羨女年十六婦贈
振威將軍揚萼府君家貧而孝事舅姑盡禮年二十九贈公卒遺
二子長大情次鴻源即春波裁五齡太夫人躬教督答篋不少寬
時舅姑春秋高太夫人仰事俯育恃紡績以給鷄初號輒起燈影

機聲達蓬戶外日成布一匹贏錢百餘供饘粥僅足而泉俗以丁
繁財力相雄長太夫人嫠居子孺門祚單微外侮狎至輒斂泣吞
聲不與較春波甫冠材勇絕人日夜攻苦激昂自奮居未幾而有
舟數十艘衆人並海居多以操舟逐利為業故春波於海道要害
帆檣樓櫓之利風濤雲色之變靡不精習咸豐三年會匪踞廈門
爲亂春波出家財糾族中子弟隨官兵一戰克之以功賞戴藍翎
加守備銜當是時吳將官之舟師雄飛海上全廈聞屹若鉅防雖
大帥倚以為疆太夫人夙多病然非甚劇不偃息春波乞假侍養
未數月大帥急檄出洋捕盜春波戀戀有難色太夫人諭之曰汝
既以身許國毋為女兒曹態也太夫人病亟家人請起春波婦則
力阻之遂卒自是春波往來擊賊於汀漳廷建帥武雲霄諸州郡
復東渡澎湖靖臺灣亂民積功賞戴花翎獲勇圖巴魯名號歷任

閩安協副將海壇鎮總兵擢署福建水師提督先是廣南盜賊充
斥浙閩瀕海郡縣首尾二千餘里皆被其害閩安地斗入海患尤
劇春波率舟師出環擊窮追無一脫者盜由是絕廣南婦孺羨春
波名輒膽落其威名益如此春波所至廉明公勤軍民畏懷祿籍
所入輒喜施與在澎湖兩次嘗振飢民十數萬人而其事大吏不
媵阿求合是皆太夫人教也太夫人累贈至一品夫人卒於咸豐
乙卯十一月五日享年六十有一子二女一適林孫男九文熊閩
安右營都司文龍海壇右營都司文虎福建補用都司文彪連枝
奇焱連旭麒麟夢花孫女二長適陳次適孫太夫人卒之次年葬
於廈門嘉禾里吳村之原春波嘗從容為余言少時艱難拂逆之
事悉矣一旦以武畧奮起行陣之間威聲播海上為國爪牙然非
太夫人之賢亦曷以致此然則世之婦人女子境無順逆要以志

節為本而為人子孫尤不可不思所自立也故余論次其事以表其墓云

曾小石墓誌銘

君姓曾氏諱諧字載賡永嘉之曾其先嘗顯宦富雄一州佳時甲第連閭各占名勝治亭榭而怡園為最嘉道之間國家重熙累洽人尚文學諸曾多以詩鳴余所及見者才氣閎肆下筆千百則有子璘元琳性情純篤力趨正宗則有曼琴壇而君最後出其為詩布踪楚騷悱惻纏綿獨具情態曼琴老而授徒自給子璘坎壈奇窮而君居怡園席先世華廡之業煨館涼臺奇花佳竹四時之景無不可愛國書法帖名畫古金石之儲插架羅列其仲與君東西頭居同堂昆弟五六人朝夕琴讌裘馬翩翩有東晉王謝之風夜闌客散君獨危坐觀書鶴再號始就寢少從曼琴學詩出口便綺

嚴可誦四十以後所造愈深頗於家事漫無贊者故業日落然自其祖父以來好施予遇三族尤有恩冬春按籍賦錢數於貧宗歲以為常君生長豐沃既習見先世所為仗義疎財其郡邑間有義舉必推君倡首親故踵門乞貸無虛日必令意滿去聞弗能應若有所深負然君尤豪飲必大醉乃止中年後意頗不自得日與諸少年會飲市樓上酣嬉淋漓或歌或泣狂放益甚黠者往往乘君大醉為言困迫不堪狀君輒呼取酒家紙書數十百金畀之無絲毫疵吝色繇是積債累鉅萬而不之知即微知之而亦不以為意也君篤於天性早失怙恃又連遭弟妹喪周孺人賢儷也中歲而亡鬱伊善感觸物而發故其詩哀怨之音居多同治戊辰八月君卧病已逾月矣一日聞人早起聞有笑語聲出大門者若主人然異之俄而君遂卒年五十有二周孺人無子僅遺一女側室王氏

出也乃以弟子某為之後明年葬於建牙鄉方宅山之原其塋葉
琮蓉樓出其遺詞編次刻之余既為之序今又以項嘉父所為狀
來徵銘嗚呼君與余齊年先余二日生總角之好游處最審怡園
之一卉一石余益摩拊殆遍矣而君亡十餘年園已三易主人事
變遷若是何忍為君銘耶雖然物無聚而不散形無久而不散而
唯託於文字者可以無窮君之勤心力於詩也其知之矣而又何
足為君悲君曾祖某祖某父佩雲附貢生布政司理問加四品銜
亦能詩銘曰

有美其園松臺之麓非園之美為詩人之屋人云亡矣園就荒矣
彼園之荒其詩則昌我叙其詩又銘其藏佳澆之酒雖以不永傷

林大冲墓誌銘

嗚呼吾友林君太冲之亡距今八年矣始君辭中山書院講席歸

泰順山中過我飲酒樂甚顧語余曰子知我者皆石曼卿張子野
等皆沈下僚窮困以死幸從歐陽公游公為銘墓抑揚詠歎之不
過數百年而曼卿諸人奇偉非常之氣千載如生某老矣此婦不
復出敢以身後之文為託余笑謝而心諾之逾數歲君卒其子亨
父以狀來徵銘歲月遷流人事牽率未有以報而亨父亦老多病
請不已敢再緩乎君天性忠孝人也少貧力學讀史至忠臣烈
士必激發奮起遇姦回則憤怒作色以承刺凡褻深入數分侍親
疾刻股調藥以進不使家人知既葬結冢墓側移家就居所謂望
南山草堂君自名其集者也年五十餘始以明經入試國子監冠
其曹偶而卒不售余之視學廣西也君走六七千里來助余會洪
楊亂起為余指畫賊情多中桂林被圍當道稔公知兵命守西清
門晝夜乘城間一婦則艱鬱不樂曰賊易退耳城中官將怯數失

機矣月餘賊解圍去君請發兵援全州逼入萁路眾相顧懼賊回
攻嚴如故半月城門不啟君憤甚已而大吏上城守功問君欲何
官君謝曰我未殺一賊功何有於是賊東下連破武昌安慶江寧
上念廣西省城獨完賞或未徧命補報始以君名上授蘭谿縣學
訓導時賊已踞宣歙廣信間潰勇四逸焚掠將窺蘭谿諭令用
君計捕斬數十人遁去君為教官以植善類扶士氣為先遇事不
為秋毫媮媮郡縣官頗不便之誇毀交至當是時寇氛徧東南師
久無功文宗求才益亟侍郎王公茂蔭舉所知及君有詔求徵君
固辭不起雖余以亦勉以一出君喟然曰我非輟熱媚耳目者即
出亦不過交人差遣耳七十老翁何能隨人俯仰吾道終不可行
也退與諸生講正學申條教勸言既熄而君歸志決矣君為學自
經史性理外旁及韜鈴符遁術數音樂靡不究心各有撰述晚而

好琴兩手顫掉猶假酒力日鼓一再行以自娛長夏危坐觀書雖
倦不假寐以為俾晝作夜古人所棄也卒前數日猶屹屹著書不
休平生然諾不侵待人一以至誠處家人父子間無私語於族黨
鄉曲中無曲情獨君國之念一日不忘病甚語言濇澀猶樂與人
談中興事聞西師捷輒喜形於色益自少至老真摯之性不衰也
余少君二十歲辱與忘年交自君之亡州里間直諒多聞之友不
復見矣悲夫君諱鸞字景一太冲其別字也先世自福建建陽遷
平陽泗溪為今泰順六都後再徙瑞安象莊為今泰順城北隅明
正統初寇亂據羅陽鎮朝命兵部侍郎孫原貞討之君之遠祖有
諱國者以布衣獻策軍門寇平遂設縣治國生鈞以邑庠生入曹
監考授漳州府知府自是世業儒八傳至湖州府學司訓諱紹昌
於君為高祖縣學生諱廷燦君曾祖也縣廩生諱崇城君祖也郡

廩生諱熙喜臺君考也皆以恩贈如君官以孝義文學世其家娶夏氏有婦德子一用霖亨父也縣增廣生福建候補縣丞孫四元宗幼殤右宗慕宗再宗皆業儒慕宗今亦為縣學生君生於乾隆癸丑三月以同治甲戌三月卒英於木棉村李坑山鄉賢徐子雲故里也銘曰

立人之道惟忠惟孝是繇性生不可以貌君奮窮山目營四海憂國惓惓老退不改用不竟施所蘊則多陳義憤激發為詩歌有琴有室有書盈篋佚老詒孫畢此志業木棉之原川行山蟠踞止爾室其風永存

海日樓文集卷九

瑞安四賢祠祀田記

瑞安孫銜鳴詒甫

吾邑西山四賢祠創於康熙中蓋至今幾二百年矣故無祀產俎豆之儀闕焉未講同治壬申夏始籍入官田若干畝而以銜鳴等十四人分值以供春秋祀事秋九月之望銜鳴從諸君子即事祠下秋氣高潔邊豆有度升高眺望歸而飲福登降揖讓如見先哲之遺風顧惟祠之為屋裁三間廣深不逾尋丈踞山之椒枕城之隈內無廣除外無繚垣既淺且陋於禮弗稱然志稱前邑侯有精形家言者謂斯祠之建襟江帶湖文筆後卓有禕邑之文風不可以謀它徙於是周覽相度祠旁荒隙陂陀下墮翦其榛葦增土與甃可以廬亦可以垣也因約自今始歲出其贏儲之於公數歲之

後迭有所積以資擴充而增葺之庶有以妥先賢之靈而發吾邑人嚮慕之思豈不美哉是舉也值祀姓名先後與夫田租賦課之數皆得詳載於丹俾相交代以為遵攷而並書今日之議於簡端以冀觀厥成焉

瑞安重建先師廟碑記

我國家之制自京師至於直省府廳莫不有學即莫不有我夫子之廟而教其人以聖賢之書使有以講明乎聖賢之道以正風俗興人材非僅如山川壇時諸神祠領於祠官歲時禱奉神靈而祈福祐已也吾瑞安立學始於宋初徙於崇寧復於政和而今殿廡實改建於明崇禎十年則亦既二百有餘歲矣中間屢事修葺大氏苟且補苴而已久而壺敬愈甚勢且就傾同治三四年間邑之官師議撤而新之乃資甫集而杭州方亟營貢院令各州縣輸財

相助遂以所集資應省檄而廟工中止丁卯冬邑侯南海羅君至謂是舉不可以復緩也令僚吏兩庠士復申前議侯既獨俸為倡吾邑人奔走恐後己巳二月興工明年正月工竣木石瓴甍之需金碧丹堊髹繪之飾固不精良而大殿與兩廡則易以巨材若戟門若櫺星門若崇聖祠若興賢祠若名宦鄉賢忠義各祠外而官橋四周左右坊表以次繕完煥然大改其舊凡用鐸錢二萬貫有奇鉅屢偉觀視管有加非侈侈也不敢不慎也侯督文於黜鳴以記其成侯之意徒欲志營造歲月使有攷於後乎抑將勸我邑人以學必求無媿於聖賢之徒而後已乎夫吾邑在宋固有小鄒魯之稱者也熙寧元豐之間林介夫氏以明經篤行倡學於海濱非詩書不談非孔孟不為卓然與河南程正叔閔中呂與叔抗行為世宗師其後周恭叔氏許少伊氏相繼起益務古學溫士游程門

者十三人吾邑居其六乾瀉儒術之盛實基於此而陳止齋氏尤為永嘉學者之冠當是時新安之學究心於道德性命之微旨金華之學得中原文獻之傳永嘉之學則必討論古今經制治法綱領條目兼綜畢貫務使坐而言者可以起而行之鼎足而立其從入之迹或異而安其端則皆洙泗之統緒河洛之承續也流風餘韻歷百世而不泯況今者既新我夫子之宮大變學者之耳目矣果能激厲振起毋消於義利毋安於卑陋緣是而追蹤先哲溯流窮源聖賢之道夫豈遠人乎管許少伊氏之記遜學也惓惓以學古為訓而揭其旨於致知格物反身而誠陳止齋氏之記修學也既歷我邑士風之美而又詳述介夫氏以下諸賢之道德氣節俾有觀法意甚感也齋鳴不敏竊取斯義為記以復於候庶有當於候興學重士之教而尤願吾邑人之毋自薄也斯役也自侯以下

或督率勸導或司察出納或監督匠役均有勞可紀別書姓氏於後亦使來者得有考云

寶香書院記

寶香山者前明卓忠貞公讀書處也公以精志大節照耀霄壤雖在婦孺負販無不能舉其姓名相傳讀書山寺時昏夜歸省有風雨騎虎之祥即此地也舊於寺側築一楹供之粟主燬於咸豐寇亂獨萬盾中提學使者陳公大綬所書碑尚在榛莽間吾邑出郭門渡江而南為鄉二為都一十有八嘉慶十年建萃英書院於卓隸山麓今圯矣於是兩鄉之士謀復書院皆曰莫如寶香宜且公昔者讀書於此今祀公於堂於以興起學者不更美乎遂集賢鳩工而請於邑侯高君以萃英遺田若干畝入馬籍其租稅以供祀事而學徒膏火之費亦復粗具經始於光緒某年逾歲告成為堂

五楹旁翼以樓可以薦蘋蕡可以安絃誦堂後枕山有泉澗然以清鑿為池可漱可汲庭深廣可十餘丈繚以周垣庑涵皆具是歲六月同人集諸生於堂請余閒講余既謁公廼進諸生而告之曰古之始立學者必釋奠於先聖先師凡釋奠者必有合也有國故則否鄭康成釋禮以為國無先聖先師則釋奠者當與鄰國合有國故若唐虞有夔伯夷周有周公魯有孔子則必自奠之不合也蓋謂耳目所接淵源所漸取法尤貴乎近也今之書院古鄉學也以兩鄉之士而求先師孰有故於卓公者乎且為學之道學為人臣為人子而已矣忠孝如卓公非所謂人倫之至者乎顧史稱公於天官地輿律曆兵刑諸家無不博究而舊志言公尤邃於性理有書十卷發明周子通書邵子經世之旨然則公之為學可謂博大而精深矣即其精忠大節照耀霄壤者又豈非其學有以充之

哉惜其遺書盡佚無從披考然即公之所成莫不足見公之學而況兩鄉之士去公之居若此其迹也去公之世若此其未遠也則登斯堂者果有志於慕公之為宜先求公之學庶其無媿於為公之鄉人也諸生唯唯而退遂書以為記

重修江心嶼卓公祠碑記

考之明史萬曆初用御史屠叔方言為吾鄉忠貞卓公立祠表墓蓋距公授命之歲已百七十一年矣而吾邑先於嘉靖間私祀公於西峴山麓厥後屢毀屢遷其在縣治前新街者即奉詔改建址也而永嘉亦同時建祠於江心孤嶼與文信國公祠東西並峙懿惟二公精忠大節與日月爭光信國公亦宋祚已隆之日力圖興復開闢一旅跳身至此賦詩見志而忠貞公溫產也異代而同規異地而同祀豈非江山之光邪歲久失修傾圮殆盡郡官吏既

葺信國公祠而新之矣而公之祠未遑暇也江心寺僧雪喙乃走
謀於鄉士大夫酥錢從事不足則又捨寺之所入成之經始於某
年月日其明年某月日工竣棟宇壯麗視舊有加而請余文紀其
事某往讀焦修撰所為公祠碑銘詞義美矣後以加矣而蒙竊以
為公之忠公之學也皆劉忠愍之傳公也謂公遠於性情有遺書
十卷發明周子邵子之學然則公固淵源濂洛得與於聖道見知
聞知之統者也其與信國公成仁取義之旨恪守孔孟家法將毋
同而惜乎遺書之佚而不復得見也今幸新公之祠而特揭公之
學以告我鄉人庶幾慕公之志相率而求公之學乃無媿於生公
之鄉也雪喙能詩以方外而慨然有感於先哲忠義之風亦賢矣
哉廼綴以詩使歌以祀公詞曰江流萬折志必東一興屹立洪濤
中上有兩忠巍新宮坐令江山增清雄信國賦詩血灑空百年繼

起有我公徒薪謹議聽不聰乃以三族殉遺弓忠孝大原根聖功
窮理盡性氣斯充遺書莫覩恫予哀長留勁節扶蒼穹公之學成
公之志特揭斯義詔無窮

海日樓文集卷十

書夏逸民漁樵詩說後

瑞安孫鏘鳴詔甫

歲乙未泰順林太冲明經以其邑先輩夏逸民先生所著詩經漁
樵野說寄示先生為明弘光副貢國變後希蹤夷患隱居著書而
是書吾郡經籍志不著錄董霞樵羅陽詩始采先生古今體詩十
四首謂著有閒園詩草亦不言有此書蓋皆未之見也所說詩一
本溫柔敦厚之義能於詩人言外之旨涵泳尋繹而得之一洗宋
以來攻序宋序兩家門戶之見至變雅諸篇反復於小人恣睢君
子孤立天變民瘁之故不啻痛哭流涕益其身經板蕩蒿目時艱
故言之深切詳甚如此此固泰離麥秀之感發於中之不容已顧
亦有天下者之殷鑒矣惟間有佻仄纖俗之論尚未脫鍾譚習氣

則明人說經之通病也先生風節之高至今猶想見而斯篇迄今二百年迭更寇亂其子孫保守勿失亦足見山中風俗之厚亟為錄而存之并書其後俾他日刊以傳焉

書王荆公唐百家詩選後

朱子答鞏仲至云荆公唐選本非其用意處乃就宋次道家所有而因為無定耳觀其序引有費日力於此良可惜也之歎則可以見此老之用心矣夫豈以區區擬拾唐人一言半句為述作而必欲其無遺哉且自今觀之其所集錄亦祇前數卷為可觀若使老僕任此筆削恐當更去其半乃厭人意耳此集非特不及李杜韓三家唐名人如王右丞韋蘇州元白劉柳孟東野張文昌之倫皆不在選陳氏書錄疑宋氏獨有此一百五集據而擇之他不復及又其抉擇不盡厭人意皆誠如朱氏所云然是書國初藏弄家輒

以為罕覩購求之久而後得始得雕以傳今又百六十餘年矣兵燹之後存者益寡同治乙丑五月嘉興李秀才文杏貽余於吳門紙墨如新益猶初印本也可不寶愛哉

跋尚書顧命解

鏘鳴校禮記集解畢復求先生說經之書於其家得尚書顧命解一卷顧命成王崩未葬君臣皆冕服又受黃朱圭幣之獻宋眉山蘇氏疑馬謂使周公在必不為此尼公武曰蘇氏之說又本於孫氏覺覺仕元祐時而石林葉氏曰康王之事必有不得已而然者召公權一時之宜正君臣之分禮之變非禮之失也止齋陳氏亦以為召公畢公皆盛德大老豈不知禮益見周公以叔父之親擁戴太子而流言之變起於兄弟非公之忠誠則王室幾搖故於康王之立特為非常之禮以與天下共立新君使曉然知所定而無疑其意遠矣東萊呂氏

同此說蘇氏之論主於守經而不知天子諸侯之禮與士庶人不同天子之禮又與諸侯不同未可援喪服行冠禮及春秋諸侯之禮推之也葉陳呂氏之說出於達權是又不免以後世功利之見求二帝三王之大經大法未必其果有合也且成康之世固周家太平極盛時也又曷為有不得已而創此非常之禮哉朱子以為易世授受國之大事當嚴其禮此誠萬世不易之論矣其言王侯以國為家先君之喪猶以為己私喪喪也則猶未盡即乎天理人心之安者康侯胡氏又云是時成王崩就殯猶未成服故用麻冕黼裳入受顧命已受命詰諸侯而後釋冕及喪服於是成服而它憂不知天子七日而殯既殯而成服自乙丑至癸酉凡九日殯已三日矣而猶未成服豈有是哉此皆求其說不得而強為辭者也亭林顧氏直謂其中有脫簡詳見日知錄先生讀而群之又取經

文反復而推究焉而其說加備至於疏解它文補正舊說所未盡者皆由參攷禮經得之而益知先生三禮之學通之諸經而無弗協也刻禮記集解成遂以此卷附於後以廣其傳歐陽子曰經非一世之書也刊正補緝非一人之能也使學者各極其所見而明者擇焉以俟聖人之復生也至哉言乎余刻是刻故又備述宋儒之說於此以俟學者審焉

跋開禧德安守城錄

右王忠敏公守城錄一卷儲藏家俱不著錄吾鄉郡縣志尚載其目今從余中表王仲瀚孝廉家譜中鈔出余攷宋史字宗紀開禧二年十二月戊申金人圍德安守將李師伊拒之今觀此錄則虜侯騎至城下實在十一月甲午次日乙未遂大至合圍其告急乞師於樞密院則以十二月戊申而郡狀之上必先守將名故國史

因而書之而不知其守禦之計實皆出於丞也是役也以區區孤城德卒居荆湖腹心必爭之地當數十萬凶狡方張之寇郡將既懦不解事外援又觀望不前相持一百八日而不能下功亦偉矣及史傳不詳其事獨賴此篇之存其備禦之法固足以示後而其忠義不折之氣尤足以感發人心豈惟王氏子孫所當寶哉夫開禧用兵南北生靈之禍烈矣此老成遠識所深痛者也然使盡得忠誠任事如公者布列邊郡亦安見夷虜之能逞其志而恢復大計必不可行於積弱之朝哉余讀是篇而尤為之廢書三歎也

跋鈔本月泉詩派

月泉詩派一卷吾邑仙峽李氏之先集也集中自月泉以下益凡十人耻菴先生及其子蘭坡微君皆以名德重海內而耻菴之詩尤為清峻絕俗吉光片羽實吾鄉文獻之光也此書前明刻本不

可復得今以九里潘茂才芸家借其舊藏鈔本錄之并校一官過

書王偉堂玉文殉難紀略後

道光戊戌余與偉堂會於京師兩人卽居相去不一里故往還尤密別後遂不相聞問亦不知其得教官以去也玉璫葉君自於潛學歸出所為前教諭王君殉難紀畧讀之則偉堂也距授命之歲已十易寒暑矣於潛遭亂殘破不完庠序虛無人馬遲之久而事始得上聞嘗見其絕命詩惜所傳不全此外論著亦不知尚有存否予京國舊游離散死亡不堪追憶偉堂一冷官何漂漂有生氣也偉堂一日微白往時聽其議論實有不肯苟徇流俗者故能自立名義如此三復感歎為書其後

跋周楞菴先生花萼樓詩文集

余曩得先生所輯慎江文徵七十卷既寫存之續又得其慎江詩

類問古詩編問古新編問古奇編及列朝私紀永嘉叢書不全本亦擇其可存者寫存之深歎先生編纂之勤而瞿溪集郡經籍著錄未見也辛未秋晤傅者吾傅於郡即言於古董樵中買得殘書一小冊出以見示則先生之文與詩也凡六卷而瞿溪草亦在焉不知所刻僅此抑或尚有下卷不可得而致矣先生為明末周際五中丞冢子中丞國變後堅守不下樓之節先生雖一貢成均仍退而著書終老其志節亦復皎如固可哀也抑可敬也至簡端所載花萼樓書抄之目凡三十七種益知先生於鄉邦文獻網羅之博如此余向所得不過什一耳未知此外各種尚有可物色否也余日望之矣

跋鈔本鶴泉集

右鶴泉遺集永嘉王健偉純箸按孫斗城侍御序當有八卷乃侍

御按梁時所刻今佚不見茲從張小磬假得永場王氏家譜中抄出奏疏三首表三首論一首記四首贈序廿四首跋一首傳一首碑銘五首行狀一首祭文十首詩九十八首不過三卷之數益譜牒所殊勢不能多而且編排失次誤脫魯魚紛紛滿目然其文皆典則溫潤不為浮靡詭僻之詞古詩宗法遠體近律亦可與七子抗行雖所傳不多亦足以知全鼎之味矣至論學恪守姚江而不至清決志稱為金玉君子非溢美也故亟錄其副而戒之

跋環菴遺稿

環菴遺稿十卷其七世孫淮南參軍書撮拾於散亡之後而成之者也刻於萬曆年間傳本不可得今從永嘉傅者吾明經傅所見其抄本云一舊家借出者書雲爛已甚首尾脫落處尤多幾不可讀因假婦錄而藏之環菴志節之高殊不易及故其詩筆格亦高

絕一世如此惜所傳不多然吉光片羽彌足珍矣

跋王夢樓杭州府志首卷九例圖說稿

夢樓先生以文采風流負海內盛名翰墨流傳為世寶愛此其初不經意之書而實則深用意之文點竄塗乙手筆粲然尤可貴也杭為東南山水名郡而其時又當國家太平極盛六飛頻蒞奎章雲霧燭耀巖阿先生得以侍從舊臣從事鉛槧豈非盛遇哉想其吮墨搗毫於山淶湖光之下後之人當更有慨慕於斯者邑侯彭厚甫珍藏此冊出以相示因為跋尾歸之

跋王夢樓秋草詩帖

夢樓塵視軒冕晚歲獨耽禪理其詩與字之超妙入神有以哉

跋咸南塘墨蹟

咸家軍名聞天下而筆法之奇鬱縱宕亦復如此知此老胸中必

有大過人者不僅以颯發電舉雄也南掃島夷北摧鉄騎豈偶然哉今見此書安得復見此人

跋祝京兆墨蹟

余聞枝指公好書雖騷經故流傳多本咸聞豐兵獨偏南北前代名蹟往往淪喪可勝道哉而今日尚得見此始知管人峴首之碑其用意良非過計

跋王叔明松窗讀易圖

世傳黃鶴老人豪士文章不尚矩度畫亦自寫天機之趣而已今觀此卷何其超妙而精數也豈真世俗之所謂豪邪伯生之題尚左生之跋皆可寶也

書潘少城太守墓碑後

余始與少城游方應童子試年皆未冠而少城風姿玉立翩翩佳

公子也其後兩人南北分馳遂不復相見然聞其官粵有能名今讀陳君所為墓碑則所蒞皆巖邑值風塵瀕涸之日居無兵無糧之地獨能保境衛民勇而善戰屢摧勦寇何其壯也而於脅從逃民田產入官及商賈加稅之事敢抗上官意堅不行其為政知大體有風力如此而年止五十不得竟其所施惜哉余觀中興以來以戰功取節鉞膺顯秩者無可數勝君既有其才矣而遽止此豈富與貴不可以力為而天之賦子亦有時而限邪吾郡之潘自南宋來代有聞人而君之高祖虞庵公當耿藩之亂温州總兵祖宏勳有異志殺溫處道陳公舟亦及永嘉知縣馬公璠以城降公前總兵某公壻也聞變遽入縣署負馬公幼子逸姿出匿之家偽歸曾養性者索之急公以計拒卒得免逸姿後亦為大官嗚呼君之先德厚為吾鄉人未有能言之者遂并書之俾後有聞焉

跋胡月樵觀察先世墓誌銘

余嘗往來葵括間習聞胡氏之先德久矣今省兄來鄂中月樵以觀察需次是邦問出其大父以來三世墓銘墨蹟見示拜觀一過益令人起敬古之君子論譏其先世之德善功烈勲勞而明著之世以比其身以重其國家夫功烈勲勞固足為國家重矣而要自德善出胡氏積累深厚數世勿懈德善具矣其視功烈勲勞奚啻馬雖然不於其身必於其子孫胡氏異日必以為吾言驗也

跋何白英為胡月樵尊甫書墓誌銘

永康胡氏自臨川府君以下三世積累之厚予既於雅堂府君墓銘後發之矣此卷乃予同年何白英書極類松雪小楷道德經深得鍾王法月樵論述祖德既求善文者文之復求善書者書之皆所以崇孝也猶憶同治初與白英會於京師強健過余未幾別去

後聞其官粵繼復官鄂及余來而白英之亡已數年矣拊觀遺墨
為之愴然

跋春秋經傳類聯

此書乃漢下邳居先世舊籍之僅存者也咸豐辛酉會匪之變舊
居毀於賊惟東書塾五楹火所不及時倉皇辟亂出數月婦檢所
藏書零落幾闕過半矣今雖次第增置蓄聚過舊而是書先人手
澤所留尤宜拱壁視之我子孫其益加寶護哉

跋周文忠公墨蹟手卷

咸豐元年余視學廣西文忠公遠以討賊來桂林乃始獲識一再
過從旋余按試諸州郡而公遂亦出督戰未幾廷議台公還及賊
出粵入楚席捲東下公再起往來擊賊皖豫間老疾奔馳大星遽
賁人鑑之亡今幾三十年矣頃與公李子小修太守相遇於金陵

獲觀軍中手蹟卷中奏草一與僚友書三勸民團結自固文一諭
兒帖二其言兵事吏治之得失人心風俗之頑敝字字皆血誠語
也讀之惻然皆趙管平之誅先零元年亦七八十公忠義愛國出
於天性而料敵之智論事之切直復何減管平乃不竟其功卒使
烟塵瀕洞流毒半天下廟堂宵旰十餘年而後定豈非天哉此
卷留案頭將半載今於其歸也追惟昔日相知之雅而尤有感於
粵事始末迺識數語於卷尾以誌慨慕云

跋錢劬畊小槩印集

篆刻雖小道而為之者天分學力缺一不可必先熟於史籀倉雅
說文諸書又多見秦漢銅玉古印及宋元名人印耳濡目染久之
自能脫棄凡俗漸臻精詣未可以雕蟲小技目之也平陽嘉道間
蘇石綠山人博雅好古詞翰之外以篆刻鳴一時近五六十年無

繼之者矣玉溪生於其卿所造已如此錄是沈酣於古精益求精
豈獨石緣不能專美於前哉

跋王雲西 金庚 畫丹

雲西善篆隸詩詞畫尤起邁絕俗以筆札給事戎幕非其志也居
近市余往一再過其家小樓三楹雲西坐卧其上筆研精良圖書
數卷焚香煮茗終日怡然自得不知門外之鶯塵也今距雲西下
世將十年其子小雲嘗求為銘幽之文哀情久無以應心常歎然
去年邑中大火樓不幸又燬矣今夏小雲弟雲仲來因出示所遺
畫丹今皆之感為何如邪丹中蘆雁諸作諳然支愛之思流露於
楮墨之外殊足令人起敬雲仲篤實安貧亦能詩小雲工畫世其
家學雲西為不亡矣

跋何无咎書譜

往歲荅樓詒余无咎墨蹟上有 **遺** 字數十氣韵道秀無比今復出
其所臨書譜見示長卷筆法到底不慙如此癸丑為萬曆四十
一年時无咎已五十有二邊塞倦游之後歸老荒山無復曩時意氣
之盛而能 **斷** 情翰墨亦足見其有以自樂也質夫益王姓所居當
亦在東梅畧之閒无咎集中所謂西家名士有王筠者也其名則
不可攷矣荅樓收藏昔賢名蹟甚富斯卷為卿先生手澤其尤寶
貴宜哉 此蹟丙戌三月時年七十

書阮雪爪家傳後

薛里薛生來示所為阮雪爪先生家傳余因憶前歲嘗得先生逸
事於其子滌心云邑中胡君某與先生至交一日胡君製新冠戴
之閒先生至急易故紉出以為我冠新不可令先生見也然則先
生清介之風亦何減許子將蔡子尼輩而胡君敬賢克己之誠亦

良不易得此皆吾鄉三十年前善俗今則日偷此風不復見矣傳
言先生禁簿事余復數薛氏朗山之賢朗山亦先生同里人余頗
識之自鴉片弛禁農田種鴉粟者皆獲厚利民爭趨之薛氏聚族
居數百家獨守朗山之禁歲三月間鄉中連畦接畛紅紫爛然然
盡鴉粟也入薛里境麥青青而已迨朗山卒而禁始壞鄉里士
手無尺寸柄徒以言行誠相信切厲而眾皆靡然從之謂非賢者
而能之乎嗚呼老成典型其何可忘余補雪爪傳而并及朗山亦
以見薛里之多賢云

書謝烈婦傳後

烈婦殉節之歲暨今將三紀矣同里楊君譜笙懼其久且就湮也
謀於余將立石湖于昭示來葉因出示余亡姪詒燕所為傳夫以
里巷一老婦而辨義之精赴義之勇如此而世士大夫苟且求活

者不亦大有羞乎楊君銳意表章良可嘉尚亟為礱石召工俾即
此傳寫刻而詒燕得附附以傳豈非幸哉

海日樓文集卷十一

瑞安孫爵鳴詔甫

先師廟落成祝文

巍巍廟堂爰謀爰始夙夜趨事自春徂冬克賴告成維神實相洪規丕煥視昔有增匪飾觀瞻尊崇之極謹告

先師神位奉安祝文

維先師德隆十聖道冠百王揭日月以常行實生民所未有茲當新廟告成之始宜修古經釋奠之文祇率彝章聿將祀事以復聖顏子宗聖曾子述聖思子亞聖孟子配尚饗

崇聖祠祝文

維王奕葉鍾祥光開聖緒威德之後積久彌昌凡聲教所覃敷率循源而溯本茲當新廟告成之始宜修古經釋奠之文祇率彝章

追崇祀事以先賢顏氏曾氏孔氏孟孫氏配尚饗

倉聖祠神位奉安祝文

繫百祀之肇興緣報始以明義矧文字之初肇代結繩而致治宇宙賴此以文明品物由茲而俾又非獨出之聖神功昌昭夫創制報明報德以薦馨宜棲神之有地沐鄒魯之遺風愧斯典之未備卜崇構於岷山廼爰謀而爰始倚魁閣之巍峩接文昌之瑞氣諏吉日以告成奉神靈以蒞奠稽古而正名振人文於百世

四賢祠祝文

維先生川嶽炳靈降生海裔道德閎深文章淵懿夷險異遭忠孝一致仕隱或殊風節相繼後先合符垂範百世我哉西山遺祠斯在精爽式憑斯文弗墜某等鄉里末生仰鑽未逮欽誦遺書激懦牖蔽親炙無從瞻依有地儒林淵源敢忘所自序涉素秋肅修祀

事謨薦豆觴鑿茲誠意尚饗

陳文節公祠落成祭文懿公曹文肅公從祀祝文

公生南宋多士之宗九經百氏淹毋精融深挹大業德成氣充斯體斯用為世鉅工受知三朝掌內外制史館經帷造膝陳計力可回天廼叢謗忌老側黨藉其光益蔚河洛之傳公暢厥旨乾瀆之威公導之軌公與梅溪宜躋廡祀公道久湮媿我邦士有美梅潭仙巖之下管公讀書於茲屏處遺祠五楹歲薦遷俎溪色山光精英千古風穿日漏胡遜傾圮瞻仰曷寄是經是營有嚴貌象幸觀厥成涓吉釋奠祀事孔明稽古禮章祀必有配惟文懿公早侍公晦累十寒暑無間雨晦執德不回視公進退惟文肅公手輯公文釐別真偽祛禿婦瀆哀次成集寓諸玩珉俾閑後學勿有墜淪以二公從禮為義起師第一堂其容几几神之裕思蕉黃荔紫振我

儒風自今以始

祭湖石張獻之祠文

執干戈以衛社稷壯士懷報國之心錫俎豆而薦馨香聖世重褒忠之典矧屬袍澤之舊誼欣瞻祠廟之新成謹率紳人虔將祀事恭維獻之張君學有淵源性成忠孝慕古人之奇節氣大以剛慨時局之多難義形於色方粵氛之外擾又土寇之內訌官吏養癰垣墉伏莽徒突之謀不用遂致爛額焦頭燎原之執已矣一任奔狼突豕君乃智囊密運烈膽雄張召二三豪傑與計事且泣且歌集五千鋤耒以成軍三戰三捷靴刀入陣義無反顧之私鹽菽享師倍鼓無前之勇方冀大伸捷伐淨洗腥羶復承平編戶之規壯戎馬書生之氣豈知龜策無靈蜂蠆有毒境雲壓壘摧大樹而風酸單騎追風陷重圍而月黑捐軀為國遠騎天上之箕綱身成仁

編墮軍中之浚然而志然雖未完功已不細壯藩籬於閭右屹若巨防之堅制驅虎於穴前誰敢傾巢而出神人共憤三軍仍縞素復興稷泮終消巨醜剖心肝祭發沉孤忠之上達蒙卹諭之稠頒遵令典以建專祠賜祭奠以酬毅魄名垂國史丹哀增竹帛之光代被寵榮世祿與河山並永國之恩可謂溘矣君之志復何憾乎嗚呼喪先軫之元沒三日而猶視埋長弘之血慄千載以如生茲者締構攸崇明禋舉顧茲侑食依然左提右挈之規編及國殤孰非敵愾勤王之士敢冀雲車風馬率舊部以偕臨雖云丹荔黃蕉乞精誠之曲鑒

祭外姑丁夫人文

繫夫人之自出於我母為孔懷辱童年之愛異命冢女以來婦慕母黨與妻黨遂常侍予音徽嗟我母之違養歷寒暑其九移時夫

人之無恙猶未墜夫軌儀胡八旬之方屆恙無疾而陷危緬懿範於在管窺老氏之儉慈足不出乎戶限言不聞於屏帷却織纈而弗御甘蔬糲其如鉛躬朝炊而夜績雖至老而弗良用佐成乎家業深有望於門楣乃德豐而遇書豈天意之可知美四珠之在掌婦士族以攸宜悼我妻之早隕仲與叔其繼之幸予遺夫季女亦獨居而為妾彼小姨之側出嫁未久而復妾身頸更夫死喪痛門祚之瘡痍宜肝腸之如割每四顧而不怡屢呼余而切歎惟速亡以自祈前彌留之三日猶絮語而惻悽奄不留乎仙馭空瞻望兮素悻悻椒醕而薄奠靈未格其鑿鑿

祭楊氏女文

嗚呼汝之始生我官禁廬彌月之後汝母病疽汝生未期我使邕部汝與汝兄依母以處母病日棘往迎不來汝伯南還乃以汝婦

我征聿至汝母先亡天之毒我汝兄繼殤嗟汝子遺我淚如瀉祝汝長成慰彼逝者喪亂既經挈汝復出自閩而吳相隨勿失雖我父母亦與汝慈非汝之慈汝母之思迨汝有家我心則憚廷汝于婦勗汝婦職壻才足依勝在我側視汝望汝此意何極胡遺疾疢竟不少蘇却續弗御汝意何居屢書汝誠胡慙而惡豈不可為早自知與山川阻修踰三百里我老畏步未能汝視諸弟童孩莫可任使一介疾驅朝華已萎嗚呼汝生何來汝死安從天屬之痛初在幼冲既獲所歸又不克終豈我之愆遽集汝躬死不汝撫歛不汝腔我復何言悲來填胸一盃汝酬聊寫我哀汝其有知憾將奚窮嗚呼痛哉

祭伯兄遜學先生文

嗚呼日星有時而脫敗川谷有時而傾圮道無長而不消器無成

而不毀況人生之有涯非金石安足恃嗟同氣之相連倏一瞬而不視念素管之綢繆懼孤立而無倚憶就傳於童年洎策名而筮仕或聽雨而聯床或聞鶯而共被無出入而不惰務修名之礪砥偶宦轍之分馳曾睽違之有幾孳穉弱而追隨歷吳頭與楚尾憂患之百端固不均其悲喜未七十而而懸車侍春風之杖履聞翦燭而聯吟或坐花而歎蕊愛無微而不至切痛癢於一體期相保於百齡謂此樂之無已何衰老之侵尋神雖強而官弛視茫茫其漸昏足縮縮而艱起憤小吏之披猖益痛心於國耻值伏枕之彌留問東軍之進止遽露布其未傳遂溘然而逝矣嗚呼哀哉以兄志度之恢廓智識之淵微宜謀議乎廟堂伯仲乎皋夔何為乎侍學三天地非不迥而困於一麾開藩兩省官非不達而未竟厥施豈道與時培寶命也為之彼古聖哲如鄒嶧猶栖皇困躅其若

斯而又奚足悲況姓名垂昭於青史文章流播乎四裔三代膺錫命之光九族分俸金之賜傳書三萬卷而朱墨流馨歸田十六年而花木娛志得景廬東里之壽而無疾告終讀高密汶長之書而有子繼世總五福而全歸返列真之舊位諒在天之神明無所用其歆歆獨斷屬之孤征嗟弱羽其馬託日復日兮流光馳遠愈遠兮音容窈歎餘生之幾何徒相望於寥廓謹含淚而撫詞冀來歆兮來格嗚呼哀哉

海日樓文集卷十二

瑞安孫鏞鳴詔甫

璞軒先生贊

持躬端樸秉性溫純勇於為義嫉惡必顯酬應鉅黨厚貌恂恂慈
以待下孝以事親晚歲孀老杖履生春信古道之照人而為葛天
氏之遺民

秦順周氏先德贊

嗟俗之流不求在我濁榮揀名如蛾赴火聞彼躬行匪儻則惰以
入鑿天計抑何左泗溪之源川阜鬱蟠管有諸林孝義是敦代產
魁碩蔚為清門流風所激百世猶存周氏居此歷今五稔昆季七
人起家耒耜有穀以詒詩美君子力田之餘廼嗜文史觥觥上舍
聲基令譽學主不欺執信為符有曉者虎來聞其閭喻之以言帖

耳徐徐蝗為均徒鱸則韓驅以今揆古理固不誣文學繼之硜硜
自守壯歲失儷義不再偶閉門課兒一經在手足不入城目不出
牖石硯繩床深山一叟孝哉明經益張其紐侍親之疾承澁以手
辦味若何驗疾退否哀毀終身厥容常黜淳性自天非囊而取發
為文章爾雅深厚不輕示人虛若無有至誠潛孚鄰父里母彼觀
莽者奔慕恐後於嗟世德演迤孔長不求人知而蓄彌光昂昂文
孫丹穴之風述為詩歌寤寐不忘矧余同里曷勿搗揚揭為世鑑
俾息眾狂

陳汝傳贊

陳君汝傳字作賢邑三都大山人其先世自澗村來遜相傳稱文
節公也高也咸豐末粵寇據台括平陽奸民潛出鉤結散布偽錢
招誘徒黨聚於錢倉山中自號金錢會吾邑亂民亦羣起附之郡

兵不能制福建即用道煥堂張公奉檄來溫勦辦初至駐營邑東
之隆山擇日出師命民團鄉導前驅君時為大山團長銳氣深入
至洲瀆遇伏陣亡時辛酉十二月十七日也張公救援不及遂進
營澄江直搗賊巢不三月巨惡次第就擒悉置之法四境肅清惜
君不及見願亦可以無恨矣光緒己亥十二月子建陶英君衣冠
於大山之原贊曰

偉矣陳君名賢之裔登莫春堂問詩問禮世習儒書內行純美咸
豐之季粵氛孔通平有伏莽攘臂思起邑之亂氓羣附如蟻雖則
蟻附鳥合方始及此驅除不煩一矢彼愾無謀肉食者鄙下慢上
偷綱維畢弛告之話言如瑱充耳涓涓之流末乃大清闔我城池
殘我州里民無寧居流離奔徙予時治團畫疆而理君我東鄰守
望相倚問茲橫流亂何以弭桓桓張公率師蒞止徽君前驅颺發

電駛深入賊地于江之涘遇伏云亡髮猶上指怒潮哀號寒日生
齒馬羊不還喪我壯士張公聞之披劍斫几捲旆疾趨壓賊之壘
禽獮草薶渠魁暴市凶徒什佰如割羊豕血流滿溝河水成紫君
沒有知目其瞑矣我念生民皆有一死為國捐軀名光國史作亂
而誅臭何可洗一為人豪一為逆鬼孰榮孰辱舜跖之比偉矣陳
君流芳千稷鬱鬱佳城故居咫尺魂歸來兮雲旗旖旎天佑忠良
昌其孫子

覺善鐘銘

人性本善天賦秉彝氣拘物蔽真性乃漓固有覺之疇反厥迷聖
人道熄我佛慈悲聞茲醉夢法音是施如電發禁百蟄咸熙未覺
之先蒙霧晦靈既覺之後天地清爽用泐銘詞以詔當靈

溫州府

江蘇省國庫券